

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Sužbene novine Zeničko-dobojskog kantona“, broj: 7/10 i 3/23), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 69. sjednici, održanoj 28.02.2025. godine, d o n o s i

## ZAKLJUČAK

### I.

Prihvata se mišljenje Ministarstva za obrazovanje, nauku, kulturu i sport broj: 10-02-2155-1-3/25 od 19.02.2025. godine, doneseno po prijedlogu zastupnice Silve Banović u Domu naroda Parlamenta Federacije Bosne i Hercegovine, koji se odnosi na Nacrt Zakona o doživotnoj mjesečnoj naknadi zaslužnim sportistima u Federaciji Bosne i Hercegovine.

### II.

Zaključak s mišljenjem iz tačke I. proslijeđuje se u dalju Skupštinsku proceduru.

### III.

Zaključak stupa na snagu danom donošenja.

Broj: 02-02-3642 /25  
Datum, 28.02.2025. godine  
Zenica

DOSTAVLJENO:

- 1x Ministarstvo za obrazovanje, nauku, kulturu i sport,
- 1x Stručna služba Skupštine,
- 1x a/a.



**Bosna i Hercegovina**  
**Federacija Bosne i Hercegovine**  
**ZENIČKO-DOBOJSKI KANTON**  
**MINISTARSTVO ZA OBRAZOVANJE,**  
**NAUKU, KULTURU I SPORT**



**Bosnia and Herzegovina**  
**Federation of Bosnia and Herzegovina**  
**ZENICA-DOBOJ CANTON**  
**MINISTRY OF EDUCATION,**  
**SCIENCE, CULTURE & SPORT**

**MIŠLJENJE O NACRTU ZAKONA O DOŽIVOTNOJ MJESEČNOJ NAKNADI  
ZASLUŽNIM SPORTRISTIMA U FEDERACIJI BOSNE I HERCEGOVINE**

*Handwritten signature in blue ink.*



---

*Bosna i Hercegovina, Zenica, Kučukovići br. 2  
Tel: 032/460-840, fax: 460-842  
e-mail [min.obrazovanje@zdk.ba](mailto:min.obrazovanje@zdk.ba)*

***Na Nacrt Zakona o doživotnoj mjesečnoj naknadi zaslužnim sportistima u Federaciji Bosne i Hercegovine, koji je na prijedlog zastupnice u Domu naroda Parlamenta Federacije Bosne i Hercegovine Silve Banović, Zaključkom prihvatio Dom naroda Parlamenta Federacije Bosne i Hercegovine, Ministarstvo za obrazovanje, nauku, kulturu i sport daje sljedeće mišljenje:***

Uvidom u navedeni Nacrt Zakona, uzimajući u obzir način za ostvarivanje prava, koeficijente za obračun doživotne mjesečne naknade, kao i saznanja da sportisti iz regiona za iste ili slične postignute sportske rezultate već primaju finansijsku naknadu, smatramo da ovaj Nacrt Zakona treba biti dobar osnov za izradu Prijedloga Zakona a zatim i samog Zakona o doživotnoj mjesečnoj naknadi zaslužnim sportistima u Federaciji Bosne i Hercegovine.

Razmatrajući Nacrt Zakona o doživotnoj mjesečnoj naknadi zaslužnim sportistima u Federaciji Bosne i Hercegovine, imajući u vidu naprijed navedene činjenice Ministarstvo daje pozitivno mišljenje o navedenom Nacrtu Zakona, uz napomenu da ne preuzima eventualne finansijske obaveze koje mogu proisteći iz istog.

S poštovanjem,

**Broj:** 10-02-2155-1-3/25  
**Zenica,** 19.02.2025. godine



Bosna i Hercegovina  
FEDERACIJA BOSNE I HERCEGOVINE  
ZENIČKO-DOBOJSKI KANTON  
VLADA  
Stručna služba Vlade



Bosnia and Herzegovina  
FEDERATION OF BOSNIA AND HERZEGOVINA  
ZENICA-DOBOJ CANTON  
GOVERNMENT  
Expert Service of the Government

07  
02  
04

Broj: 02-1-02-2155-1-2/25  
Zenica, 14.02.2025. godine

**ZENIČKO-DOBOJSKI KANTON**  
**MINISTARSTVO ZA OBRAZOVANJE, NAUKU**  
**KULTURU I SPORT**  
**N/R MINISTRA**

**PREDMET:URGENCIJA**

Mišljenje o Nacrtu Zakona o doživotnoj mjesečnoj naknadi zaslužnim sportistima u Federaciji Bosne i Hercegovine, *traži se...*  
Veza: Akt Stručne službe Skupštine broj: 01-02-2155-1/25 od 05.02.2025. godine

Stručna služba Skupštine Zeničko-dobojskog kantona je, aktom broj: 01-02-2155-1/25 od 05.02.2025. godine, dostavila Vladi Zeničko-dobojskog kantona Nacrt Zakona o doživotnoj mjesečnoj naknadi zaslužnim sportistima u Federaciji Bosne i Hercegovine, predlagateljice Silve Banović, delegatkinje u Domu Naroda, upućen skupštinama kantona u Federaciji Bosne i Hercegovine, kojim se traži mišljenje o Nacrtu Zakona o doživotnoj mjesečnoj naknadi zaslužnim sportistima u Federaciji Bosne i Hercegovine, te je ostavljen rok od 10 dana za postupanje.

Stručna služba Vlade je aktom broj: 02-1-02-2155-1-1/25 od 10.02.2025.godine prosljedila Ministarstvu za obrazovanje, nauku, kulturu i sport, akt Stručne službe skupštine Zeničko-dobojskog kantona, broj i datum kao gore, radi davanja Mišljenja i razmatranja istog na sjednici Vlade a kako bi se Vlada u ostavljenom roku mogla očitovati. Dana 13.02.2025.godine zaprimljen je Vaš akt, Mišljenje o Nacrtu Zakona o doživotnoj mjesečnoj naknadi zaslužnim sportistima u Federaciji Bosne i Hercegovine naslovljen na Stručnu službu vlade i Stručnu službu Skupštine. Isti dan i Stručna služba Skupštine je zaprimila Vaš akt, te je odmah prosljedila Akt broj: 01-02-2155-3/25 od 13.02.2025.godine, u kojem pojašnjava proceduru o davanju mišljenja na Nacrt federalnog zakona, te obavezu izjašnjenja Vlade prije upućivanja u skupštinsku proceduru.


**Slijedom svega navedenog a u vezi s Vašim dostavljenim Aktom, podsjećamo Vas, da je shodno odredbama Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21) potrebno isti dostaviti u formi materijala za sjednicu vlade radi razmatranja istog na sjednici Vlade.**

**Prilog:**

- Akt Stručne službe Skupštine broj: 01-02-2155-1/25 od 05.02.2025. godine
- Akt Stručne službe Vlade broj: 02-1-02-2155-1-1/25 od 10.02.2025. godine
- Akt Stručne službe Skupštine broj: 01-02-2155-3/25 od 13.02.2025. godine

**Dostavljeno:**

- Naslovu,
- Premijeru (na znanje),
- 1x a/a.





Broj: 01-02-2155-1/25  
Zenica, 05.02.2025. godine

07 -02- 2025

10 -02- 2025  
05 hf

- ZENIČKO-DOBOJSKI KANTON  
VLADA KANTONA  
- n/r premijera Kantona  
- n/r sekretara Vlade
  
- MINISTARSTVO ZA OBRAZOVANJE, NAUKU, KULTURU I SPORT  
ZENIČKO-DOBOJSKOG KANTONA  
n/r ministra

**PREDMET: Mišljenje o Nacrtu Zakona o doživotnoj mjesečnoj naknadi zaslužnim sportistima u Federaciji Bosne i Hercegovine - traži se**

U prilogu ovog dopisa, dostavljamo vam akt obavještenja Doma naroda Parlamenta Federacije Bosne i Hercegovine, broj: 02-02-964/23 od 30.1.2025. godine, (sa priloženim Nacrtom Zakona o doživotnoj mjesečnoj naknadi zaslužnim sportistima u Federaciji Bosne i Hercegovine, predlagateljice Silve Banović, delegatkinje u Domu naroda), a koji je zaprimljen na službeni e-mail Skupštine Zeničko-dobojskog kantona i službeni e-mail sekretara Skupštine Zeničko-dobojskog kantona dana 05.02.2025. godine, kojim smo obaviješteni da je Dom naroda Parlamenta Federacije Bosne i Hercegovine, na 15. redovnoj sjednici održanoj 30.01.2025. godine razmatrao Nacrt navedenog zakona, te usvojio Zaključak o prihvatanju istog, kojim je u tački 3. navedeno da se zadužuje Stručna služba Doma naroda Parlamenta Federacije Bosne i Hercegovine da navedeni zaključak i Nacrt Zakona o doživotnoj mjesečnoj naknadi zaslužnim sportistima u Federaciji Bosne i Hercegovine dostavi kantonalnim skupštinama radi davanja mišljenja u roku od 30 dana, tj. u roku od 30 dana od dana prijema maila, a kako je navedeno u popratnom tekstu dostavljenog e-maila Parlamenta Federacije BiH – Pisarnica OTP.


U prilogu e-maila, pored navedenog obavještenja Doma naroda Parlamenta Federacije BiH dostavljen je i akt delegatkinje u Domu naroda Parlamenta Federacije Bosne i Hercegovine, Silve Banović od 2.3.2023. godine sa priloženim Nacrtom Zakona o doživotnoj mjesečnoj naknadi zaslužnim sportistima u Federaciji Bosne i Hercegovine sa obrazloženjem, te vam sve navedene akte također dostavljamo u prilogu ovog dopisa.

S tim u vezi, a u cilju postupanja po navedenom Zaključku, te e-mailu Parlamenta FBiH- Pisarnica OTP kojim je zatraženo da Skupština Kantona dostavi mišljenje o Nacrtu Zakona o doživotnoj mjesečnoj naknadi zaslužnim sportistima u Federaciji Bosne i Hercegovine. Domu naroda i delegatkinji u Domu naroda Parlamenta Federacije Bosne i Hercegovine, Silvi Banović, predlagateljici navedenog Nacrta Zakona u roku od 30 dana od dana prijema e-maila, molimo vas da nam traženo mišljenje dostavite u roku od 10 dana od dana prijema ovog dopisa kojim vam dostavljamo navedeni Nacrt zakona sa svim prilogima), a koje bi Skupština Kantona imala u vidu prilikom razmatranja Nacrta navedenog Zakona, te na osnovu kojeg bi mogla utvrditi svoje

Mišljenje po istom, a potom ga u ostavljenom roku od **30 dana** od dana prijema obavještenja o Zaključku Doma naroda i e-maila Doma naroda Parlamenta FBiH, (tj. najkasnije do 05.03.2025. godine) proslijediti Domu naroda Parlamenta Federacije BiH i delegatkinji u Domu naroda Parlamenta Federacije Bosne i Hercegovine, Silvi Banović.

S poštovanjem,

**PRILOZI: Kao u dopisu**



**POSTAVLJENO:**

3 x Naslovu,

1 x Svim poslanicima Skupštine Kantona/05-03 (skeniran ovaj dopis i Fw e-mail Parlamenta FBiH-Pisarnica OTP od 05.02.2025. godine sa svim priložima)

1x Komisiji za obrazovanje, nauku, kulturu i sport Skupštine Kantona/04-01 (skeniran ovaj dopis i Fw e-mail Parlamenta FBiH-Pisarnica OTP od 05.02.2025. godine sa svim priložima)

1 x Domu naroda Parlamenta FBiH, na znanje/ na e-mail: dom.naroda.pfbih@gmail.com (skeniran ovaj dopis i Fw e-mail Parlamenta FBiH-Pisarnica OTP od 05.02.2025. godine sa svim priložima)

1 x Silvi Banović, delagatkinji u Domu naroda Parlamenta Federacije Bosne i Hercegovine, na znanje/na e-mail: silva.banovic@parlamentfbih.gov.ba (skeniran ovaj dopis i Fw e-mail Parlamenta FBiH-Pisarnica OTP od 05.02.2025. godine sa svim priložima)

1 x U spis predmeta -,,R"/05-02

05-01/03 04/25 (A)

05-02 / 02-02-964/23 NACRT ZAKONA O DOŽIVOTNOJ MJESEČNOJ NAKNADI ZASLUŽNIM SPORTISTIMA U FEDERACIJI BOSNE I HERCEGOVINE

Org. jedinica	Klasifik. oznaka	Redni broj	Crta prijega
09	02	- 2155	25

ibrahim.avdagic@zdk.ba

**From:** Parlament Federacije BiH - Pisarnica OTP  
<pisarnica.otprema@parlamentfbih.gov.ba>  
**Sent:** srijeda, 5. februar 2025. 09:15  
**To:** ibrahim.avdagic@zdk.ba  
**Subject:** 02-02-964/23 NACRT ZAKONA O DOŽIVOTNOJ MJESEČNOJ NAKNADI ZASLUŽNIM SPORTISTIMA U FEDERACIJI BOSNE I HERCEGOVINE 55AD8CCC

Poštovani, U prilogu Vam dostavljamo, radi davanja mišljenja; Nacrt zakona o doživotnoj mjesečnoj naknadi zaslužnim sportistima u Federaciji Bosne i Hercegovine (predlagač: Silva Banović, delegatkinja u Domu naroda Parlamenta Federacije BiH), i Zaključak Doma naroda Parlamenta Federacije o prihvatanju Nacrta zakona o doživotnoj mjesečnoj naknadi zaslužnim sportistima u Federaciji Bosne i Hercegovine, Molimo Vaa da Mišljenje o Nacrtu ovog zakona dostavite Domu naroda Parlamenta Federacije BiH i delegatkinji Silvi Banović, kao predlagaču Nacrta zakona u roku od 30 dana od dana prijema ovog maila.

[Nacrt-zakona-sportisti-hrv.pdf](#)

[Nacrt-zakona-sportisti-srp.pdf](#)

[Nacrt-zskona-sportisti-bos.pdf](#)

[Pismo-DN-Nacrt-sportisti.pdf](#)



Broj: 02-02-964/23  
Sarajevo, 30.1.2025.godine

PREDSJEDATELJ  
ZASTUPNIČKOG DOMA  
Dragan Mioković

POTPREDSJEDATELJI  
ZASTUPNIČKOG DOMA  
Mladen Bošković  
Edina Gabela

**PREDMET: NACRT ZAKONA O DOŽIVOTNOJ MJESEČNOJ NAKNADI ZASLUŽNIM SPORTAŠIMA U FEDERACIJI BOSNE I HERCEGOVINE**  
(predlagateljica: Silva Banović, izaslanica u Domu naroda Parlamenta Federacije BiH)

Obavještavam Vas da je Dom naroda Parlamenta Federacije Bosne i Hercegovine na 15. redovitoj sjednici od 30.1.2025.godine, razmatrao Nacrt zakona o doživotnoj mjesečnoj naknadi zaslužnim sportašima u Federaciji Bosne i Hercegovine, te je usvojio sljedeći

**ZAKLJUČAK**

1. Dom naroda Parlamenta Federacije BiH prihvata Nacrt zakona o doživotnoj mjesečnoj naknadi zaslužnim sportašima u Federaciji BiH, te smatra da može poslužiti kao temelj za izradu Prijedloga zakona.
2. Zadužuje se predlagateljica da organizira i provede javnu raspravu u trajanju od 90 dana.
3. Zadužuje se Stručna služba Doma naroda Parlamenta Federacije Bosne i Hercegovine da ovaj zaključak i ovaj Nacrt zakona dostavi kantonalnim skupštinama radi davanja mišljenja u roku od 30 dana.
4. Zadužuje se predlagatelj da, prilikom izrade Prijedloga zakona, ima u vidu primjedbe, prijedloge i sugestije iznesene u raspravi na sjednici Doma naroda javnoj raspravi, mišljenja kantonalnih skupština, kao i one koje su dostavljene ili će biti dostavljene u pisanoj formi.

Dostavljeno:

- Uredu predsjedatelja Doma naroda
- Potpredsjedateljima Doma naroda
- Tajniku Doma naroda
- Tajniku Zastupničkog doma
- Predsjednici i dopredsjednicima Federacije BiH
- Premijeru i zamjenicima premijera Vlade Federacije BiH
- Tajniku Vlade Federacije BiH
- Silvi Banović, izaslanici u Domu naroda Parlamenta Federacije BiH
- Federalnom ministarstvu kulture i sporta
- Službi Zastupničkog doma
- Službi Doma naroda
- Službi za izradu izvornika Zastupničkog doma
- a/a



**IZEN HAJDAREVIĆ**  
**SILVA BANOVIĆ**  
delegati u Domu naroda  
Parlamenta Federacije Bosne i Hercegovine

Bosna i Hercegovina  
Federacija Bosne i Hercegovine  
PARLAMENT FEDERACIJE

02-03-2023			
02-	02-	964/23	B4x

Sarajevo, 2.3.2023. godine

**PARLAMENT FEDERACIJE**  
**BOSNE I HERCEGOVINE**  
**DOM NARODA**  
n/r gđin Tomislav Martinović, predsjedavajući

U skladu sa članom 155. Poslovnika o radu Doma naroda Parlamenta Federacije Bosne i Hercegovine ("Službene novine Federacije BiH", br 27/03, 21/09 i 24/20), dostavljamo Vam, radi razmatranja i prihvatanja, **Nacrt Zakona o doživotnoj mjesečnoj naknadi zaslužnim sportistima u Federaciji Bosne i Hercegovine.**

S poštovanjem,

DELEGATI

Izen Hajdarević  
*Izen Hajdarević*  
Silva Banović  
*Silva Banović*

# ZAKON O DOŽIVOTNOJ NAKNADI ZASLUŽNIM SPORTISTIMA U FBiH

## POGLAVLJE I - OSNOVNE ODREDBE

### Član 1.

#### (Predmet zakona)

Ovim zakonom uređuju se uslovi i način za ostvarivanje prava doživotne novčane mjesečne naknade zaslužnim sportistima u FBiH, obaveze zaslužnih sportista, evidencija, nadzor i revizija nad ostvarenim pravima.

### Član 2.

#### (Značenje izraza koji se koriste u zakonu)

Izrazi koji se koriste u ovom zakonu imaju sljedeća značenja:

- a) *Doživotna mjesečna naknada*: doživotna mjesečna novčana naknada zaslužnim sportistima u FBiH, koji ispunjavaju uslove ovog zakona. Naknada nije prenosiva, a isplaćuje se iz budžeta FBiH.  
Doživotna mjesečna naknada može se primiti samo po jednom osnovu, za najbolji sportski rezultat, a u skladu sa članom 6. ovog Zakona.
- b) *Zaslužni sportista*: Sportista koji je prema članu 3. Pravilnika o kategorizaciji sportista u BiH („Službeni glasnik BiH“ broj: 52/16) pripada kategoriji Zaslužni sportista, a koji su ostvarili značajne sportske rezultate i osvojili:
- I-III mjesto na Olimpijskim igrama;
  - I-III mjesto na Svjetskom prvenstvu;
  - I-III mjesto na Evropskom prvenstvu;
  - I-III mjesto na Paraolimpijskim igrama.
- c) *Vrhunski sportista iz Jugoslavije koji ostvaruju pravo doživotne mjesečne naknade*: Sportisti koji su značajne sportske rezultate ostvarili kao reprezentativci bivše Jugoslavije (SFRJ) imaju pravo na mjesečnu novčanu naknadu ukoliko su državljani Bosne i Hercegovine sa stalnim prebivalištem na teritoriji Federacije Bosne i Hercegovine i ukoliko po osnovu sportskih rezultata ne primaju bilo kakve naknade u zemljama bivše Jugoslavije ili od strane bilo kojeg nivoa administrativnog organiziranja u Bosni i Hercegovini i ispunjavaju uslove iz člana 6. ovog Zakona.

d) *Namjenski fond Ministarstva za dodjelu doživotne mjesečne naknade*: Poseban fond Federalnog ministarstva kulture i sporta (u daljem tekstu: Ministarstvo), koji posjeduje namjenika sredstva za isplatu doživotne mjesečne naknade zaslužnim sportistima.

e) *Komisija za dodjelu doživotne naknade (u daljem tekstu: Komisija)*: Stručna komisija koja se imenuje na mandat od 4 godine pri Ministarstvu, koja razmatra zahtjeve, evidentira, vrši nadzor, reviziju i izvještava o ostvarenim pravima po ovom zakonu.

### Član 3.

#### (Svrha zakona)

Ovim zakonom se pruža mogućnost zaslužnim sportistima da ostvare pravo na doživotnu mjesečnu naknadu, kao nagradu za zalaganje i postignute rezultate, ali i stimulans mladim i perspektivnim sportistima u FBiH.

### Član 4.

#### (Ravnopravnost spolova)

Gramatička terminologija korištena u ovom zakonu podrazumijeva oba spola.

## POGLAVLJE II - USLOVI I NAČIN OSTVARIVANJA PRAVA

### Član 5.

#### (Financijska sredstva)

Ukupna financijska sredstva za provedbu ovog zakona su planirana u Budžetu Federacije Bosne i Hercegovine za svaku godinu, na razdjelu Federalnog ministarstva kulture i sporta, u namjenskom Fondu za dodjelu doživotne mjesečne novčane naknade, u iznosu od 500.000 KM.

### Član 6.

#### (Uslovi za ostvarivanje prava)

Zaslužni sportista u smislu ovog Zakona, radi ostvarivanja prava na doživotnu naknadu treba da ispunjava sljedeće uslove:

- a) da ima navršenih 40 godina starosti
- b) da je osvojio medalju pod zastavom BiH ili u reprezentaciji BiH ili Jugoslaviji prije rata, shodno članu 7. ovog zakona,
- c) da je kategorisan kao zaslužni sportista u BiH, a
- d) da ima državljanstvo BiH i da živi na teritoriji FBiH,
- e) da u periodu od osvajanja medalje pa do stupanja zakona na snagu, nije mijenjao državljanstvo ili nastupao za reprezentaciju druge države,
- f) da posjeduje dokaz o ostvarenim sportskim rezultatima sa potvrdom nadležnog sportskog saveza, te da
- g) ne prima naknadu za ostvarene sportske rezultate u zemljama bivše Jugoslavije, odnosno ne prima naknadu od strane bilo kojeg nivoa administrativnog organizovanja u BiH
- h) da nije pravomoćno osuđen za krivično djelo,
- i) da tokom takmičenja nije mu izrečena pravomoćna mjera zabrane takmičenja od strane evropske i svjetske sportske federacije ili pravomoćna kazna zbog kršenja antidoping pravila.

#### Član 7.

##### (Način za ostvarivanje prava)

- (1) Zaslužni sportista koji ispunjava uslove u skladu sa odredbama ovog zakona Ministarstvu podnosi zahtjev i potrebnu dokumentaciju za ostvarivanje prava.
- (2) Uz zahtjev se prilaže sljedeća dokumentacija:
  - a) Izvod iz matične knjige rođenih,
  - b) Uvjerenje o prebivalištu-GIPS,
  - c) Dokaz o ostvarenim sportskim rezultatima u FBiH, sa potvrdom nadležnog sportskog saveza,
  - d) Potvrda o kategorizaciji zaslužnog sportista u BiH iz člana 2.tačke b.) ovog zakona,
  - e) Uvjerenje o državljanstvu sa potvrdom da isto nije mijenjano u proteklom periodu,
  - f) Ovjerenis izjava da podnositelj zahtjeva ne prima naknadu za ostvarene sportske rezultate u zemljama bivše Jugoslavije, odnosno ne prima naknadu od strane bilo kojeg nivoa administrativnog organizovanja u BiH,
  - g) Potvrda da se ne vodi krivični postupak,
  - h) Ovjerenis izjava da podnosiocu zahtjeva nije izrečena pravomoćna mjera zabrane takmičenja od strane evropske i svjetske sportske federacije ili pravomoćna kazna zbog kršenja antidoping pravila
  - i) Potvrda o transakcijskom računu podnosioca zahtjeva

- (3) Zaslužni sportista je, pored zahtjeva i tražene dokumentacije iz stava (2) ovog člana, dužan priložiti i druge podatke na zahtjev Ministarstva.

#### Član 8.

##### (Provođenje postupka za otkrivanje prava po ovom zakonu)

- (1) Zahtjev sa dokumentacijom za ostvarivanje prava po odredbama ovog zakona dostavlja se Ministarstvu, a rješenje kojim se odobrava pravo na primanje doživotne mjesečne naknade donosi Komisija iz člana 2. tačka e. i člana 9. ovog zakona.
- (2) Protiv rješenja Komisije iz stava 1. ovog člana, može se izjaviti žalba drugostepenom organu u ovom postupku, nadležnom Ministarstvu.
- (3) Protiv rješenja Ministarstva može se pokrenuti upravni spor pred nadležnim sudom.
- (4) Pri rješavanju o pravima za ostvarivanje predmetne novčane naknade primjenjuju se odredbe Zakona o upravnom postupku, ukoliko ovim Zakonom nije drugačije određeno.

#### Član 9.

##### (Komisija za dodjelu doživotne mjesečne naknade)

- (1) Komisija broji 7 članova, koji su birani na mandat od 4 godine.
- (2) Sastav Komisije čini: 1 predstavnik Ministarstva, 1 predstavnik Olimpijskog komiteta BiH i 5 sportskih grantskih saveza BiH.
- (3) Komisija razmatra zahtjeve sa priloženom dokumentacijom, vodi evidenciju o licima koji ostvaruju prava po odredbama ovog zakona, vrši nadzor i reviziju nad primjenom ovog zakona i izvještava Ministarstvo o ostvarenim pravima.

#### Član 10.

##### (Koefficijenti za obračun doživotne mjesečne naknade)

- (1) Iznos doživotne mjesečne naknade izračunava se tako što utvrđeni koefficijent množimo sa iznosom prosječne plate u FBiH, a usklađuje se povećanom avans godinu sa prosječnom mjesečnom platom u FBiH za prethodnu godinu.
- (2) Koefficijenti su fikсно navodeni u ovom zakonu, a Ministarstvo će, na prijedlog Komisije, vršiti godišnje usklađivanje iznosa doživotne mjesečne naknade u skladu sa kategorizacijom i visinom prosječne mjesečne plate u FBiH.
- (3) Shodno kategorizaciji sportista, utvrđeni su sljedeći koefficijenti:

- a) *Olimpijske igre:*
- 1) Prvo mjesto: 2,2
  - 2) Drugo mjesto: 1,9
  - 3) Treće mjesto: 1,7 prosječne plate u FBiH u prethodnoj godini za mjesec u kojem se isplaćuje.
- b) *Svjetsko prvenstvo:*
- 1) Prvo mjesto: 1,9
  - 2) Drugo mjesto: 1,7
  - 3) Treće mjesto: 1,5 prosječne plate u FBiH u prethodnoj godini za mjesec u kojem se isplaćuje.
- c) *Evropsko prvenstvo:*
- 1) Prvo mjesto: 1,7
  - 2) Drugo mjesto: 1,5
  - 3) Treće mjesto: 1,2 prosječne plate u FBiH u prethodnoj godini za mjesec u kojem se isplaćuje.
- d) *Paralimpijske igre:*
- 1) Prvo mjesto: 1,5
  - 2) Drugo mjesto: 1,2
  - 3) Treće mjesto: 1 prosječne plate u FBiH u prethodnoj godini za mjesec u kojem se isplaćuje.
- (4) Sredstava za ostvareno pravo obračunavaju se prema zvaničnim podacima organa javne uprave nadležnog za poslove statistike i uplaćuje se na račun fizičkog lica.

#### Član 11.

##### (Obaveze zaslužnih sportista koji ostvaruju pravo po ovom zakonu)

Zaslužni sportista koji je ostvareno pravo na doživotnu mjesečnu naknadu je, u skladu sa svojim mogućnostima i zdravstvenim stanjem, dužan:

- a) Odazivati se na pozive nadležnog sportskog saveza za pomoć i podršku perspektivnim mladim sportistima.
- b) Ostvarivati saradnju sa Olimpijskim komitetom i Federalnim ministarstvom kulture i sporta.
- c) Učestovati u manifestacijama koje promoviraju sportske aktivnosti i razvoj sportske djelatnosti u FBiH
- d) Prenositi svoje znanje u sportskim školama.

## Član 12.

### (Prestanak prava)

- (1) Zaslužni sportista gubi pravo na doživotnu mjesečnu naknadu u jednom od sljedećih slučajeva:
  - a) Prestankom uslova za ostvarivanje naknade iz ovog Zakona (profesionalni rad sa bilo kojim sportskim savezom druge države, pravosnažna presuda za krivično djelo...),
  - b) Davanjem lažnih podataka prilikom podnošenja zahtjeva,
  - c) Ukoliko revizija Komisije pokaže da je ostvareno primanje po istom zahtjevu na više nivoa u BiH,
  - d) Neopravdano neispunjavanje obaveza prema Savezu i FBiH,
  - e) Smrću podnosioca zahtjeva.
- (2) Sportista koji ostvaruje prava iz ovog Zakona dužan je lično ili putem opunomoćnika, u roku od 15 dana od dana nastanka bilo koje navedene okolnosti, prijaviti Ministarstvu svaku okolnost koja utiče na promjenu ili prestanak prava.
- (3) Sportista koji je ostvario primanje na koje nije imao pravo dužan je vratiti primljene iznose odnosno nadoknaditi sve nastale troškove.

## POGLAVLJE III – EVIDENCIJA, NADZOR, REVIZIJA I IZVJEŠTAVANJE

## Član 13.

### (Evidencija)

Ministarstvo je dužno voditi evidenciju o broju i realizaciji prava na teritoriji FBiH, sa finansijskom projekcijom.

## Član 14.

### (Nadzor i revizija realizacije)

- (1) Ministarstvo vrši nadzor nad realizacijom odobrenih sredstava, i jednom godišnje izvještava Vladu FBiH o korištenju sredstava budžeta FBiH.
- (2) Komisija iz člana 9. ovog zakona svake godine vrši reviziju da li i dalje zaslužni sportisti ispunjavaju uslove iz člana 6. ovog zakona, nakon čega daje preporuke federalnom ministarstvu kulture i sporta za dalje postupanje.
- (3) Ako se utvrdi na sportista ne ispunjava uslove u skladu sa članom 12. ovog zakona, gubi pravo na mjesečnu novčanu naknadu.

**Član 16.**

Upravni i drugi nadzor nad zakonitošću rada u ovom postupku u pogledu primjene ovog zakona obavlja Ministarstvo.

**POGLAVLJE IV – PRELAZNE I ZAVRŠNE ODREDBE**

**Član 16.**

**(Formiranje Komisije)**

(1) Vlada FBiH je dužna u roku od 60 dana od dana stupanja na snagu ovog zakona formirati Komisiju iz člana 9 ovog zakona.

**Član 17.**

**(Stupanje na snagu)**

Ovaj zakon stupa na snagu osam dana od dana objavljivanja u „Službenim novinama Federacije BiH“.

## OBRAZLOŽENJE

### ZA DONOŠENJE NACRTA ZAKONA O DOŽIVOTNOJ MJESEČNOJ NAKNADI ZASLUŽNIM SPORTISTIMA U FBiH

#### I. USTAVNI OSNOV

Ustavni osnov za donošenje ovog zakona sadržan je u odredbama člana III (2e.) u vezi sa članom III (3) i člana III (4) Ustava Federacije Bosne i Hercegovine, kojim je utvrđeno da federativna vlast ima pravo utvrđivati politiku i donositi zakone koje se tiču socijalne politike, a koji u skladu sa potrebama mogu biti ostvareni zajednički ili odvojeno, ili od strane kantona koordinirano od federativne vlasti.

#### II. RAZLOZI ZA DONOŠENJE ZAKONA

Trenutno u Federaciji Bosni i Hercegovini živi oko 50 vrhunskih sportista, koji su po kategorizaciji sportista u BiH, kategorizirani kao zaslužni sportisti, tj. osvajači najvećih priznanja na olimpijskim igrama, svjetskom prvenstvu, evropskom prvenstvu i paraolimpijskim igrama, a koji imaju navršeni 40 godina života i nisu i ne mogu ostvariti pravo na penziju.

Naime, shodno članu 3. Pravilnika o kategorizaciji sportista u BiH (Službeni glasnik BiH, broj: 52/16), sportisti koji su ostvarili značajne sportske rezultate razvrstavaju se u kategorije: a) ZASLUŽNI SPORTISTI (1) osvojeno I-III mjesto na Olimpijskim igrama; 2) osvojeno I-III mjesto na Svjetskom prvenstvu; 3) osvojeno I-III mjesto na Evropskom prvenstvu; 4) osvojeno I-III mjesto na Paraolimpijskim igrama. b) VRHUNSKI SPORTISTA MEĐUNARODNOG RAZREDA: (1) ispunjena "A" norma ili ostvaren plasman za učešće na Olimpijskim igrama; 2) ispunjena norma ili ostvaren plasman za učešće na Paraolimpijskim igrama; 3) ispunjena norma ili ostvaren plasman za učešće na Specijalnoj olimpijadi; 4) ostvaren plasman na Svjetskom prvenstvu.

Oni su najbolji predstavnici sporta u FBiH, koji su veoma često sami brinuli o takmičenjima, ulaganju u pripreme i ostvarivanju rezultata. Predstavili su federaciju i državu u najboljem izdanju, osvojili medalju na najvećim takmičenjima i neophodno je da za isto budu nagrađeni doživotnom mjesečnom naknadom.

Naknada je nagrada za njihov trud i rezultate, ali i stimulans mladim, perspektivnim nadama u sportu FBiH, da za svoj rad i trud mogu ostvariti izvanredne sportske rezultate i na kraju, doživotnu novčanu podršku federacije.

Praksa mjesečne naknade za vrhunske sportiste postoji u drugom entitetu u BiH, i to od 2011. godine, kao i u susjednim državama, Srbiji i Crnoj Gori. U entitetu Republike Srpske mjesečna naknada iznosi 1000 eura, u Srbiji 1400 eura.

Bilo je nekoliko pokušaja da se u Bosni i Hercegovini uredi ovo pitanje na državnom nivou, u okviru Zakona o sportu BiH, međutim bezuspješno.

### III. OBRAZLOŽENJE PREDLOŽENIH RJEŠENJA

Predloženi Naort Zakona o doživotnoj mjesečnoj naknadi zaslužnim sportistima u FBiH se sastoji od četiri poglavlja – Osnovne odredbe (član 1 – 4), Uslovi i način ostvarivanja prava (član 5-12), Evidencija, nadzor, revizija i izvještavanje (član 13 – 15) i Prelazne i završne odredbe (član 16-17).

U članu 1. predstavljen je predmet zakona,

Član 2. je predstavio značenje najznačajnijih izraza, koji se koriste u zakonu: doživotna mjesečna naknada, zaslužni sportista, vrhunski sportista iz Jugoslavije, namjenski Fond Ministarstva za dodjelu doživotne mjesečne naknade, te Komisiju za dodjelu doživotne naknade. Definisana je doživotna mjesečna naknada, sportisti koji ostvaruju pravo za podnošenje zahtjeva za ostvarivanje doživotne mjesečne naknade, budžetska stavka iz koje se ostvaruju prava i radno tijelo koje razmatra zahtjeve za ostvarivanje prava.

Član 3. je definisao svrhu zakona, dok je član 4. otklonio svaku sumnju u rodnu diskriminaciju,

Član 5. definiše neophodna finansijska sredstva za implementaciju Zakona,

Član 6. je precizirao uslove koji trebaju postojati, kako bi zaslužni sportista ostvarilo pravo na doživotnu mjesečnu naknadu.

Član 7. definiše detaljan način ostvarivanja prava, u smislu podnošenja zahtjeva i dostave neophodne dokumentacije.

U članu 8. definisano je provođenje postupka, dok član 9. detaljno definiše radne zadatke Komisije za dodjelu doživotne mjesečne naknade.

U članu 10. su navedeni svi iznosi doživotne mjesečne naknade, shodno ostvarenom rezultatu na olimpijskim igrama, svjetskom i evropskom prvenstvu i paraolimpijskim igrama. Iznosi se referišu na prosječnu platu u FBiH.

Član 11. definiše obaveze sportista koji ostvare pravo, a član 12. okolnosti koji dovedu do prestanka tog prava.

Član 13. definiše evidenciju prava u Ministarstvu, članovi 14. i 15. nadzor i reviziju realizacije, dok član 16. definiše rok za formiranje Komisije za dodjelu doživotne mjesečne naknade, a član 17. stupanje na enagu zakona.

#### IV. FINANCIJSKA SREDSTVA

Za provođenje ovog zakona potrebna su finansijska sredstva u iznosu od 500.000 KM godišnje u budžetu FBiH.



Broj: 02-1-02-2155-1-1/25  
Zenica, 10.02.2025. godine

12-02-2025

ZENIČKO-DOBOJSKI KANTON  
MINISTARSTVO ZA OBRAZOVANJE, NAUKU  
KULTURU I SPORT  
N/R MINISTRA

**PREDMET:** Mišljenje o Nacrtu Zakona o doživotnoj mjesečnoj naknadi zaslužnim sportistima u Federaciji Bosne i Hercegovine, *traži se...*  
Veza: Akt Stručne službe Skupštine broj: 01-02-2155-1/25 od 05.02.2025. godine

Stručna služba Skupštine Zeničko-dobojskog kantona je, aktom broj: 01-02-2155-1/25 od 05.02.2025. godine, dostavila Vladi Zeničko-dobojskog kantona Nacrt Zakona o doživotnoj mjesečnoj naknadi zaslužnim sportistima u Federaciji Bosne i Hercegovine, predlagateljice Silve Banović, delegatkinje u Domu Naroda, upućen skupštinama kantona u Federaciji Bosne i Hercegovine, kojim se traži mišljenje o Nacrtu Zakona o doživotnoj mjesečnoj naknadi zaslužnim sportistima u Federaciji Bosne i Hercegovine.

Navedeni akt dostavlja vam se kao ministarstvu u čijoj nadležnosti je oblast sporta, da se očitujete u skladu s odredbama Poslovnika o radu Vlade Zeničko-dobojskog kantona kako bi se Skupština Zeničko-dobojskog kantona u ostavljenom roku očitovala po navedenom.

Aktom Stručne službe Skupštine traženo je da se u propisanom roku od 10 dana dostavi mišljenje Vlade povodom podnesene Inicijative, te navedeno treba imati u vidu prilikom pripreme mišljenja i dostavljanja materijala radi razmatranja na sjednici Vlade.

Prilog:

Akt Stručne službe Skupštine broj: 01-02-2155-1/25 od 05.02.2025. godine

Predmet obradio:  
Senad Duraković

**Dostavljeno:**  
1x Naslovu,  
1x Premijeru (na znanje),  
1x a/a.





Broj: 01-02-2155-3/25  
Zenica, 13.02.2025. godine

13 -02- 2025

13 -02- 2025

05 14 -02- 2025

*Mezaovic*

ZENIČKO-DOBOJSKI KANTON  
VLADA KANTONA  
- n/r premijera Kantona  
- n/r sekretara Vlade

**PREDMET: Mišljenje o Nacrtu Zakona o doživotnoj mjesečnoj naknadi zaslužnim sportistima u Federaciji Bosne i Hercegovine – dostavlja se**  
**Veza: naš broj: 01-02-2155-1/25 od 05.02.2025. godine**

U prilogu ovog dopisa dostavljamo vam na znanje radi dalje nadležnosti i postupanja po našem aktu veze broj i datum gornji, mišljenje Ministarstva za obrazovanje, nauku, kulturu i sport Ze-do kantona broj: 10-02-2155-2/25 od 11.02.2025. godine na **Nacrt Zakona o doživotnoj mjesečnoj naknadi zaslužnim sportistima u Federaciji Bosne i Hercegovine, predlagateljice Silve Banović, delegatkinje u Domu naroda**, a koje je zaprimljeno u Stručnoj službi Skupštine Zeničko-dobojskog kantona dana 13.02.2025. godine.

S obzirom da se radi o mišljenju na Nacrt federalnog zakona za koji se postupak u Skupštini Kantona ne može nastaviti samo na osnovu dostavljenog mišljenja kantonalnog Ministarstva, nego je potrebno da se o Nacrtu zakona, a shodno predmetnom mišljenju, zvanično izjasni i Vlada Kantona, koja potom u dalju skupštinsku proceduru treba da dostavi svoj zaključak o zauzetom stavu o istom, a koji potom, uobičajenom procedurom, Stručna služba Skupštine dostavlja svim poslanicima Skupštine radi razmatranja na sjednici Skupštine u skladu sa Poslovníkom Skupštine i utvrđivanja mišljenja Skupštine Kantona o predmetnom Nacrtu zakona i dostave istog Domu naroda Parlamenta Federacije BiH i delegatkinji u Domu naroda Parlamenta Federacije Bosne i Hercegovine, Silvi Banović, isto vam dostavljamo na dalje postupanje.

S poštovanjem,

**PRILOG: Kao u dopisu**

**DOSTAVLJENO:**

2x Naslovu,

1x Ministarstvu za obrazovanje, nauku, kulturu i sport ZDK, n/r ministra -na uvid.

1x Svim poslanicima Skupštine Kantona/05-03 - na znanje.

1x Komisiji za obrazovanje, nauku, kulturu i sport Skupštine Kantona/04 - na znanje.

1 x U spis predmeta -„R“/05-02



Bosna i Hercegovina  
Federacija Bosne i Hercegovine  
**ZENIČKO-DOBOJSKI KANTON**  
MINISTARSTVO ZA OBRAZOVANJE,  
NAUKU, KULTURU I SPORT



Bosnia and Herzegovina  
Federation of Bosnia and Herzegovina  
**ZENICA-DOBOJ CANTON**  
MINISTRY OF EDUCATION,  
SCIENCE, CULTURE & SPORT

05-01/13.04.22 / 4  
05-02/13.02.25. 6

Broj : 10-02-2155-2/25  
Zenica, 11.02.2025. godine

Zeničko-dobojski kanton  
Stručna služba Skupštine  
n/r sekretara

Zeničko-dobojskog kantona  
Stručna služba Vlade  
n/r sekretara

SKUPŠTINA ZENIČKO-DOBOJSKOG KANTONA			
Priljeno:	13-02-2025		
Org. jed.	Broj	Prilog	Vrijednost
01-	02-	2155-	2/25

**Predmet: Mišljenje o Nacrtu Zakona o doživotnoj mjesečnoj naknadi zaslužnim sportistima u Federaciji Bosne i Hercegovine, dostavlja se**

U vezi sa aktom stručne službe Skupštine Zeničko-dobojskog kantona, broj: 01-02-2155-1/25 od 05.02.2025. godine, u kojem se traži mišljenje resornog ministarstva o Nacrtu Zakona o doživotnoj mjesečnoj naknadi zaslužnim sportistima u Federaciji Bosne i Hercegovine. Ministarstvo za obrazovanje, nauku, kulturu i sport Zeničko-dobojskog kantona daje pozitivno mišljenje na "Nacrt zakona o doživotnoj mjesečnoj naknadi zaslužnim sportistima u Federaciji Bosne i Hercegovine", uz napomenu da ne preuzima eventualne finansijske obaveze koje mogu proisteći iz istog.

S poštovanjem,

DOSTAVLJENO:  
2 x Naslovu  
2 x a/a-07-01

